

TRISS proses ke arah fasa endemik



ISMAIL SABRI YAAKOB

Oleh MAISARAH SHEIKH RAHIM dan JUANI MUNIR ABU BAKAR 10 Oktober 2021, 5:30 pm



PETALING JAYA : TRIIS iaitu *Test* (Uji), *Report* (Lapor), *Isolate* (Asing), dan *Seek* (Dapatkan) merupakan antara langkah yang harus dilaksanakan bagi mengukuhkan tindakan kesihatan awam sendiri demi memastikan proses peralihan negara ke fasa endemik berjalan lancar dan selamat.

Perdana Menteri, Datuk Seri Ismail Sabri Yaakob berkata, rakyat kini memikul tanggungjawab yang besar untuk mejayakan usaha ini.

Kata beliau, *Test* adalah melakukan ujian pengesanan Covid-19 secara sendiri sekiranya alami simptom-simptom jangkitan.

"Inform segera maklum kepada kontak rapat anda sekiranya didapati positif dan laporkan juga semua kontak rapat melalui pautan di dalam MySejahtera. Maklumkan juga kepada Pusat Penilaian Covid -19 (CAC) berhampiran sekiranya situasi kesihatan diri semakin merosot semasa menjalani kuarantin di rumah.

"Seek iaitu dapatkan rawatan segera di pusat-pusat perubatan atau CAC berhampiran sekiranya alami gejala berat," katanya dalam sidang media khas hari ini.- UTUSAN ONLINE